



Ալեքսանդր Ճատուրյան

Մեր դարը

Մոլեգի՛ն դար է, եղբա՛յր, մեր դարը.
Հրպարտ նա զենքով, հարուստ՝ զոհերով.
Կաշկանդած աստծո ազատ աշխարհը,
Նա գահ է հանում դահճին յուր սրբով:

Չոհվում են ազգեր հանում սուրբ խաչի,
Արյան ծովերով ողողում երկիր.
«Թո՛ղ խեղճը մեռնի, թո՛ղ թույլը կորչի»,
Կարդում է մեր դարն յուր դատավճիռ:

Չարության ոգին, լայն ցանցի նրման,
Պատել է և՛ կյանք, և՛ սիրտ, խղճմտանք,
Ուր անպարտություն այնտեղ կախաղան,
Ուր արդար տրտունջ այնտեղ հալածանք:

Լսում ենք լո՛ւյս, սե՛ր, ազատ գաղափար,
Օրե՛նք, իրավո՛ւնք, ազա՛տ խիղճ ու ձայն
Օ՛հ, մեր օրերում, մեր դարի համար
Դոքա ծաղրելի խոսքեր են միայն...

Երկաթ ու վառող, արցունք ու արյուն,
Գայլի կուշտ ծիծաղ, գառան խուլ մայուն
Ահա՛, բարիքներ, դափնիք պանծալի՛,

Մեր առաջադեմ, լուսավոր դարի...